

**Naqqiut**

Akissuteqaat 30. maj 2022-meersoq taarserpaa  
("Siullermeerneqarnera" "Aappassaaneerneqarneranut" allanngortippoq)

**Nunatta Katersugaasiviata nukittorsarnissaa ullutsinnullu naleqquttumik toqqorsiveqalernissaq siunertaralugu, toqqorsivimmik sanaartornissamut pilersaarummik (projektering) aningaasaliinissamik. Pilersaarussiaq naammassereerluni inatsisartunut saqqummiunneqassaaq UKA 2023. Naalakkersuisut peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Doris Jakobsen Jensen, Siumut)

**Akissuteqaat**

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

**Aappassaaneerneqarnera**

Siunnersuutip suliarineqarneranut isumaliutissiissutaanullu Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq Naalakkersuisut sinnerlugit qutsavigaara.

Naalakkersuisut allannguutissatut siunnersuutaannik akuersissuteqarnissamik Ataatsimiititaliap isumaqatigiittup inassuteqarnera Naalakkersuisut maluginiarpaat.

Siunnersuut akuersissutigineqassagalarpat, Nunatsinni Eqqumiitsulianut Saqqummersitsiviup katersugaataanik toqqorsiveqarnissaq immikkoortumi sanaartugassanik pilersaarummut ilaatinneqarnissaanik Ataatsimiititaliap Naalakkersuisunut inassuteqarnera Naalakkersuisut aamma maluginiarpaat. Immikkoortumi sanaartugassanik pilersaarut pillugu Ataatsimiititaliap ilisimatinneqartarnissani aamma qinnutigaa.

Naalakkersuisut aamma ilisimatitsissutigissavaat immikkoortumi sanaartugassanik pilersaarutip 2022-p naanerani suliarineqarnissaa naatsorsuutigineqarmat.

Taaneqartut inassuteqarnerit tusaatissatut tigullugu allannguutissatut siunnersuutip akuersissutigineqarnissaa Naalakkersuisut inassutigaa.